

ACTA 19/18

SESIÓN ORDINARIA DA XUNTA DE GOBERNO LOCAL

- 3 DE SETEMBRO DE 2018 -

Na sala de Xuntas da Casa Consistorial, sendo as 13:10 horas do día 3 de setembro de 2018, reuníronse en primeira convocatoria os/as señores/as concelleiros/as que de seguido se relacionan, baixo a presidencia do sr. alcalde, D. Rafael C. Sisto Edreira, co obxecto de celebrar a sesión ordinaria correspondente ao día da data, para a que foron debidamente convocados/as.

Presidente:

D. Rafael Carlos Sisto Edreira

Concelleiros/as:

D^a. Uxía Lemus de la Iglesia

D. Xosé Ignacio Iglesias Villar

D^a. M^a Pilar Pérez Fagil

D. Jorge Juan Carballido Salgado

D. Xurxo Francos Liñares

Non asiste, previa escusa:

Xurxo Francos Liñares

Arquitecto: D. Ignacio Soto González

Secretaria: D.^a Virginia Fraga Díaz, que dou fe do acto.

ORDE DO DÍA:

- 1. LICENZAS URBANÍSTICAS**
 - 2. TOMA DE COÑECEMENTO DA INSCRICIÓN NO REXISTRO DA PROPIEDADE DA CESIÓN DE TERREOS PARA A REGULARIZACIÓN DE VIARIO: LICENZA**
- 4/18



- 3. PROPOSTA DA ALCALDÍA DE DEVOLUCIÓN DE ICIO A D. JUAN CARLOS FERNÁNDEZ FERNÁNDEZ**
- 4. PROPOSTA DA ALCALDÍA DE APROBACIÓN DAS BASES REGULADORAS PARA A CONVOCATORIA DE SUBVENCIONS A CLUBES DEPORTIVOS SEN ÁNIMO DE LUCRO E DEPORTISTAS FEDERADOS/AS POLAS ACTIVIDADES REALIZADAS E PARA A PREPARACIÓN DAS DIFERENTES COMPETICIONS DURANTE O ANO 2018**
- 5. PROPOSTAS DA ALCALDÍA**
- 6. ROGOS E PREGUNTAS**

Co quórum establecido polas disposicións legais vixentes para a válida constitución da Xunta de Goberno Local, o sr. alcalde declara aberto o acto, pasando a tratar os asuntos incluídos na orde do día que figura na convocatoria, que son os seguintes:

1.- LICENZAS URBANÍSTICAS.

Dada conta dos expedientes que se atopan pendentes de resolución, e vistos os informes técnicos e xurídicos, a Xunta de Goberno Local por unanimidade dos seus membros presentes e por delegación da Alcaldía (Decretos de 15/06/2015 e 01/03/2016 (núms. 463/15 e 175/16, respectivamente)), acorda conceder a seguinte relación de licenzas. As licenzas outórganse deixando a salvo o dereito de propiedade e sen prexuízo de terceiro. Condicionadas ao cumprimento da normativa aplicable. Pagarán os interesados os importes da liquidación de dereitos devengados polos expedientes respectivos que será notificada por Secretaría e logo de acreditado o pagamento polo interesado expediranse as licenzas.

As obras executaranse de acordo coas condicións que en cada caso se establecen, segundo os informes técnicos:

1.1.- A D. JOSÉ CARLOS NOYA MUÑIZ, en representación da **COMUNIDADE DE PROPIETARIOS RÚA AMENEIRO, Nº 1, OS TILOS**, licenza para instalación de un ascensor no edificio de vivendas sito na rúa Ameneiro, nº 1, Urbanización Os Tilos, parroquia de San Francisco de Asis, R.C.: 7538405NH3473N0001TS, segundo proxecto redactado polo arquitecto Juan Carlos Ares Méndez.

Expediente núm: **30/18**.

Autorízase o solicitado coas seguintes condicións:

- A obra deberá axustarse estritamente ao proxecto en base ao cal se lle outorga a licenza, redactado polo arquitecto Juan Carlos Ares Méndez: proxecto básico e de execución para instalación de un ascensor, visado no Colexio Oficial de Arquitectos con data 18.06.2018.

Nas obras que se executasen sen licenza ou con inobservancia das súas condicións serán sancionadas por infracción urbanística as persoas físicas ou xurídicas responsables delas en calidade de promotor das

obras, propietario dos terreos ou empresario das obras, e os técnicos redactores do proxecto e directores das obras.

- O prazo de iniciación das obras non poderá exceder de seis meses e o de terminación de tres anos, contados desde a data do outorgamento da licenza, non podendo interromperse as obras por tempo superior a seis meses. O interesado deberá notificar ao Concello a data de iniciación das obras. O Concello poderá conceder prórroga dos referidos prazos da licenza por unha soa vez e por un novo prazo non superior ao inicialmente acordado, logo da solicitude expresa formulada polo titular antes da conclusión dos prazos determinados, sempre que a licenza sexa conforme coa ordenación e lexislación urbanística vixente no momento de concesión da prórroga. A obtención de prórroga do prazo para comezar as obras non comporta de seu prórroga do prazo de terminación daquelas.

- Antes do inicio das obras formalizarase acta de comprobación do replanteo da aliñación asinado polos técnicos directores das obras, promotor, coordinador de seguridade, contratista e o técnico municipal designado.

- Cando o facultativo director dunha obra deixe de actuar na mesma debe poñelo en coñecemento do Concello no termo de tres días, mediante oficio debidamente visado polo Colexio Oficial. O propietario, á súa vez, está obrigado a nomear seguidamente, novo facultativo director da obra, comunicándoo por escrito ao Concello mediante a oportuna folla de encargo, tamén visada. De non cumprirse este trámite, a Alcaldía Presidencia ordenará a inmediata suspensión da obra.

- Será requisito indispensable en todas as obras dispor, ao pé da obra, de copia autorizada da licenza municipal e do proxecto autorizado, que estará a disposición da inspección municipal.

- Nas obras maiores será necesaria a colocación do cartel indicador de obra nun lugar visible dende o exterior, no que se faga consta-lo nome e apelidos do promotor, do contratista, dos técnicos proxectistas, dos directores da obra, de execución da obra e do coordinador de seguridade e saúde; ordenanza de aplicación e usos aos que se vai destinar a edificación, superficie construída, altura e número de plantas; data de expedición da licenza, número de expediente e prazo de execución das obras.

- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública.

- Os escombros e provisións de materiais non poderán amorearse na vía pública.

- Constituirase garantía suficiente aos efectos da reparación dos posibles danos que a execución das obras poidan causar na vía pública ou servizos municipais.

- Darase cumprimento ao artigo 4.c do Real Decreto 105/2008 polo que se regula a produción e xestión dos residuos de construción e demolición, referente ás obrigacións do produtor de residuos de construción e demolición: Dispoñer da documentación que acredite que os residuos de construción e demolición realmente producidos nas súas obras foron xestionados, no seu caso, na obra ou entregados a unha instalación de valorización ou de eliminación para o seu tratamento por xestor de residuos autorizado.

Terase en conta o capítulo II, Intervención na edificación e uso do solo da Lei 2/2016 do solo de Galicia, así como o capítulo II do Decreto 143/2016, do 22 de setembro polo que se aproba o Regulamento da Lei 2/2016 (RLSG).

-Presuposto: 122.300,00 €.

Apróbanse as seguintes liquidacións:

-. Imposto sobre construcións, instalacións e obras (provisional): 2.446,00 €.

-. Taxa pola expedición de licenza urbanística: 60,00 €.

-. Cartel indicador: 120,00 €.

Total: 2.626,00 euros.

1.2.- A D. JORGE CASTRO VALES, licenza para obras de construción dunha vivenda unifamiliar, en Requián, nº 6, parroquia de Cacheiras, R.C.: 15083B503007920000SF, segundo proxecto redactado polo arquitecto Fco. Javier Fernández Echeverría.

Expediente núm: **31/18**.

Autorízase o solicitado coas seguintes condicións:

- A obra executada deberá axustarse estritamente ao proxecto en base ao cal se lle outorga a licenza, redactado polo arquitecto Fco. Javier Fernández Echeverría: proxecto básico e de execución de obras de construción dunha vivenda unifamiliar, visado no Colexio Oficial de Arquitectos con datas 18.12.2017, 22.06.2018 e 13.08.2018.

Nas obras que se executasen sen licenza ou con inobservancia das súas condicións serán sancionadas por infracción urbanística as persoas físicas ou xurídicas responsables delas en calidade de promotor das obras, propietario dos terreos ou empresario das obras, e os técnicos redactores do proxecto e directores das obras.

- O prazo de iniciación das obras non poderá exceder de seis meses e o de terminación de tres anos, contados desde a data do outorgamento da licenza, non podendo interromperse as obras por tempo superior a seis meses. O interesado deberá notificar ao Concello a data de iniciación das obras. O Concello poderá conceder prórroga dos referidos prazos da licenza por unha soa vez e por un novo prazo non superior ao inicialmente acordado, logo da solicitude expresa formulada polo titular antes da conclusión dos prazos determinados, sempre que a licenza sexa conforme coa ordenación e lexislación urbanística vixente no momento de concesión da prórroga. A obtención de prórroga do prazo para comezar as obras non comporta de seu prórroga do prazo de terminación daquelas.

- Antes do inicio das obras formalizarase acta de comprobación do replanteo da aliñación asinado polos técnicos directores das obras, promotor, coordinador de seguridade, contratista e o técnico municipal designado.

-Antes do inicio das obras formalizarase en escritura pública, inscrita no Rexistro da Propiedade de Padrón a favor do Concello de Teo e libre de cargas, a cesión dos terreos para a regularización do viario que figuran no documento de cesión asinado polo promotor.

- Cando o facultativo director dunha obra deixe de actuar na mesma debe poñelo en coñecemento do Concello no termo de tres días, mediante oficio debidamente visado polo Colexio Oficial. O propietario, á súa vez, está obrigado a nomear seguidamente, novo facultativo director da obra, comunicándoo por escrito ao Concello mediante a oportuna folla de encargo, tamén visada. De non cumprirse este trámite, a Alcaldía Presidencia ordenará a inmediata suspensión da obra.

- Será requisito indispensable en todas as obras dispor, ao pé da obra, de copia autorizada da licenza municipal e do proxecto autorizado, que estará a disposición da inspección municipal.

- Nas obras maiores será necesaria a colocación do cartel indicador de obra nun lugar visible dende o exterior, no que se faga consta-lo nome e apelidos do promotor, do contratista, dos técnicos proxectistas, dos directores da obra, de execución da obra e do coordinador de seguridade e saúde; ordenanza de aplicación e usos aos que se vai destinar a edificación, superficie construída, altura e número de plantas; data de expedición da licenza, número de expediente e prazo de execución das obras.

- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública.

- Os escombros e provisións de materiais non poderán amorearse na vía pública.

- Constituirase garantía suficiente aos efectos da reparación dos posibles danos que a execución das obras poidan causar na vía pública ou servizos municipais.



- Darase cumprimento ao artigo 4.c do Real Decreto 105/2008 polo que se regula a produción e xestión dos residuos de construción e demolición, referente ás obrigacións do produtor de residuos de construción e demolición: Dispoñer da documentación que acredite que os residuos de construción e demolición realmente producidos nas súas obras foron xestionados, no seu caso, na obra ou entregados a unha instalación de valorización ou de eliminación para o seu tratamento por xestor de residuos autorizado.

- Cando a obra estea rematada o propietario parao en coñecemento do Concello solicitando a obrigatoria licenza de primeira ocupación, se fora necesaria, acompañada polo certificado final de obra asinado polos técnicos directores da obra, que acredite a súa realización de acordo co proxecto aprobado. Entenderase que a obra está acabada cando se retirasen os materiais sobrantes, estadas, barreiras e elementos auxiliares, e se atopen corrixidos os danos ocasionados na vía pública ou nos servizos municipais. A Autoridade Municipal non concederá a alta nos servizos municipais, nin autorizará a apertura de establecementos mentres non se acredite que as obras se executaron con suxeición ás condicións da licenza de construción, e obtido a pertinente licenza de primeira ocupación.

.- As construcións e instalacións deberán adaptarse ao ambiente no que estivesen situadas, e para tal efecto:

a) As construcións en lugares inmediatos a un edificio ou a un conxunto de edificios de carácter histórico ou tradicional deberán harmonizar con el.

b) Nos lugares de paisaxe aberta ou natural, ou nas perspectivas que ofrezan os conxuntos urbanos de características históricas ou tradicionais e nas inmediacións das estradas ou camiños de traxecto pintoresco, non se permitirá que a situación, masa ou altura das construcións, muros e cerramentos, ou a instalación doutros elementos, limiten o campo visual para contemplar as beleza naturais, rompan a harmonía da paisaxe, desfiguren a perspectiva propia dela ou limiten ou impidan a contemplación do conxunto.

c) A tipoloxía das construcións e os materiais e as cores empregados deberán favorecer a integración no contorno inmediato e na paisaxe.

d) As construcións deberán presentar todos os seus paramentos exteriores e cubertas totalmente terminados.

e) Queda prohibida a publicidade estática que polas súas dimensións, localización ou colorido non cumpra as anteriores prescricións.

f) Nas zonas de fluxo preferente e nas áreas ameazadas por graves riscos naturais ou tecnolóxicos como explosión, incendio, contaminación, afundimento ou outros análogos só se permitirán as construcións e usos admitidos polas lexislacións sectoriais correspondentes.

Terase en conta o capítulo II, Intervención na edificación e uso do solo da Lei 2/2016 do solo de Galicia, así como o capítulo II do Decreto 143/2016, do 22 de setembro polo que se aproba o Regulamento da Lei 2/2016 (RLSG).

Parámetros da obra permitidos:

-Clasificación do solo: ORDENANZA N2, NÚCLEO RURAL EXPANSIÓN

-Usos: VIVENDA UNIFAMILIAR

-Arquitecto/a director/a das obras: Fco. Javier Fernández Echeverría

-Arquitecto/a técnico/a director/a: Alejandro Ulla Rivas

-Coordinador/a de seguridade e saúde: Alejandro Ulla Rivas

-Edificabilidade: 0,30 m²/m²

-Altura máxima: B+1 4,89 m



-Posición da edificación:

Ocupación máxima: 30,60 %

Recuamento á aliñación: >3,00 m á aliñación oficial

Recuamento a lindeiros: >3,00 m

Pendente máxima de cuberta: <30°

Altura do cumio: >4,00

Aproveitamento baixo cuberta: Non

Prazas de aparcamento: 1 praza/viv.

-Presuposto: 122.875,81 €.

Apróbanse as seguintes liquidacións:

- Imposto sobre construcións, instalacións e obras (provisional): 2.457,52 €.

- Taxa pola expedición de licenza urbanística: 477,60 €.

- Cartel indicador: 120,00 €.

Total: 3.055,12 euros.

A) LICENZAS URBANÍSTICAS-DENEGACIÓN DE LICENZA.

1.3.- Visto o escrito presentado por Jesús Puente Bermúdez, con rexistro de entrada número 201800000005982, de data 20 de agosto de 2018, xuntando proxecto básico e de execución de rehabilitación de vivenda tradicional, en A Silva, nº 42, Lampai, redactado polo arquitecto Jorge Vales Fernández, visado no Colexio Oficial de Arquitectos con data 19.07.2018, no que solicita licenza urbanística para obras de rehabilitación de vivenda tradicional en A Silva, nº 42, Lampai, R.C.: 15083A109000360000TP.

Visto o informe, desfavorable, do arquitecto municipal de data 29 de agosto de 2018, incorporado ao expediente, que di que a edificación que se pretende rehabilitar integralmente atópase fóra de ordenación, ao estar afectada pola aliñación do PXOM, excedendo as obras pretendidas das permitidas neste tipo de edificacións, e que non lle resulta aplicable o artigo 40 la LSG.

Visto o informe xurídico de Secretaría de data 30 de agosto de 2018, desfavorable, de conformidade coa súa exposición e co informe do arquitecto municipal de 29 de agosto.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 15/06/2015 e 01/03/2016 (núms. 463/15 e 175/16, respectivamente)), acorda:

Primeiro.- Denegar a licenza solicitada por **JESÚS PUENTE BERMÚDEZ (expte. D.L. 2/2018)**, en base ao informe do arquitecto municipal do 29 de agosto de 2018 e o informe xurídico de Secretaría do 30 de agosto de 2018, incorporados ao expediente.

Segundo.- Notificar o presente ao interesado con sinalamento dos recursos procedentes.

2.- TOMA DE COÑECEMENTO DA INSCRICIÓN NO REXISTRO DA PROPIEDAD DA CESIÓN DE TERREOS PARA A REGULARIZACIÓN DE VIARIO: LICENZA 4/18

Escrito presentado por Laura Vázquez Vázquez, en nome de Tomás Sobrino Moreiras, en data 1 de agosto de 2018, con rexistro de entrada no Concello núm. 5.731, xuntando a inscrición no Rexistro da Propiedade a favor do Concello de Teo, da cesión dos terreos cuxa aceptación fora acordada pola Xunta de Goberno Local en sesión de data 7 de maio de 2018.

Vista a licenza concedida, pola Xunta de Goberno Local, en sesión de data 5 de febreiro de 2018, a Tomás Sobrino Moreiras, para obras de construción dunha vivenda unifamiliar illada, en Osebe, nº 57, parroquia de Calo, R.C.: 15083B508016720000SP, coa condición, entre outras, de que antes do inicio das obras formalizase en escritura pública, inscrita no Rexistro da Propiedade de Padrón a favor do Concello de Teo e libre de cargas, a cesión dos terreos para a regularización do viario que figuraban no documento de cesión asinado polo promotor.

A cesión correspondente á finca, que procede da división doutra formada pola agregación da parcela con referencia catastral núm. 15083B508016730000SL á parcela con referencia catastral 15083B508016720000SP, concrétase nunha superficie de 51 metros cadrados (polo lindeiro oeste).

Figura a inscrición a favor do Concello de Teo do pleno dominio da finca:

Finca número 36574, inscrición 1ª, Tomo 947, libro 368, Folio: 122, Código Rexistral Único: 15013001116580.

Visto o disposto nos artigos 24.2 e 150.5 da Lei 2/2016, do 10 de febreiro, do solo de Galicia e artigos 36.2 e 368.5 do Decreto 143/2016, do 22 de setembro, polo que se aproba o Regulamento da citada Lei.

En virtude do exposto a Xunta de Goberno Local, por unanimidade dos seus membros presentes e por delegación da Alcaldía (Decretos de 15/06/2015 e 01/03/2016 (núms. 463/15 e 175/16, respectivamente)), acorda:

Primeiro.- Tomar coñecemento da inscrición no Rexistro da Propiedade a favor do concello de Teo dos terreos obxecto de cesión, que figuran na escritura pública de data doce de abril de dous mil dezaioito, do notario José Manuel Amigo Vázquez, dunha superficie de 51 metros cadrados, facendo constar a eficacia da licenza concedida pola Xunta de Goberno Local o 5 de febreiro de 2018, expte. 4/18.

Segundo.- Dar por cumprida coa referida inscrición a condición á que se suxeitou a licenza concedida pola Xunta de Goberno Local, en sesión de data 5 de febreiro de 2018, a Tomás Sobrino Moreiras, para obras de construción dunha vivenda unifamiliar illada, en Osebe, nº 57, parroquia de Calo, R.C.: 15083B508016720000SP.

Terceiro.- Dar traslado do presente ao departamento de intervención para a incorporación dos terreos obxecto de cesión ao Patrimonio Municipal do Solo.

Cuarto.- Ordenar a devolución do expediente ao Departamento de Urbanismo para a xestión do mesmo.



3.- PROPOSTA DA ALCALDÍA DE DEVOLUCIÓN DE ICIO A D. JUAN CARLOS FERNÁNDEZ FERNÁNDEZ

Dáse conta aos membros da Xunta de Goberno Local da proposta da alcaldía de 28 de agosto de 2018 que se recolle a continuación:

“PROPOSTA DE ALCALDÍA

Vista a instancia presentada por D. Juan Carlos Fernández Fernández en data 19/06/2018 con nº RE 8788 pola cal solicitan a devolución do importe ingresado en concepto de ICIO do expediente de licenza nº88/2018 por importe de 11€ debido ao seu desestimento.

Visto o informe de Intervención emitido ao respecto en data 28/08/2018, favorable á devolución.

Considerando o disposto no artigo 221.1 da Lei 58/2003, de 17 de decembro, Xeral Tributaria, así como nos artigos 15 e ss. do Real Decreto 520/2005, de 13 de maio,

PROPOÑO á Xunta de Goberno Local a adopción do seguinte ACORDO:

Primeiro.-*Estimar a solicitude presentada por D. Juan Carlos Fernández Fernández en data 19/06/2018 con nº RE 4788, e recoñecerlle o dereito á devolución do importe aboado en concepto de ICIO polo expediente de licenza nº 88/2018, que ascende a 11€.*

Segundo.-*Dar conta do presente acordo ao interesado, contra o cal poderá interpor o recurso de reposición a que fai referencia o artigo 21 do RD 520/2005, de 13 de maio.*

Terceiro.-*Dar conta do presente acordo aos servizos económicos e urbanísticos aos efectos oportunos.”*

Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 15/06/2015 e de 01/03/2016 (núms. 463/15 e 175/16)), acorda:

Primeiro.-**Estimar a solicitude presentada por D. Juan Carlos Fernández Fernández en data 19/06/2018 con nº RE 4788, e recoñecerlle o dereito á devolución do importe aboado en concepto de ICIO polo expediente de licenza nº 88/2018, que ascende a 11€.**

Segundo.-**Dar conta do presente acordo ao interesado, contra o cal poderá interpor o recurso de reposición a que fai referencia o artigo 21 do RD 520/2005, de 13 de maio.**

Terceiro.-**Dar conta do presente acordo aos servizos económicos e urbanísticos aos efectos oportunos.**



4.- PROPOSTA DA ALCALDÍA DE APROBACIÓN DAS BASES REGULADORAS PARA A CONVOCATORIA DE SUBVENCIONS A CLUBS DEPORTIVOS SEN ANIMO DE LUCRO E DEPORTISTAS FEDERADOS/AS POLAS ACTIVIDADES REALIZADAS E PARA A PREPARACIÓN DAS DIFERENTES COMPETICIONS DURANTE O ANO 2018

Dáse conta aos membros da Xunta de Goberno Local da proposta da alcaldía de 21 de agosto de 2018 que se recolle a continuación:

“PROPOSTA DE ALCALDÍA

Considerando a importante función de formento que ven realizando o Concello de Teo dende fai anos mediante a colaboración económica coas entidades sen ánimo de lucro de diversa índole.

Vistas as Bases da Convocatoria de Subvencions a clubs e deportistas federados con cargo ao orzamento de 2018.

Visto o informe de Intervención emitido ao respecto, de data 21/08/2018.

PROPOÑO á Xunta de Goberno Local, a adopción dos seguintes acordos:

Primeiro.-Aprobar as Bases da Convocatoria de Subvencions a entidades para clubs e deportistas federados para o exercicio 2018 , que se reflicten de seguido:

(...)

Segundo. Proceder á súa exposición pública mediante edicto no Boletín Oficial da Provincia e no Taboleiro de Edictos do Concello.”

Á vista da proposta transcrita, a Xunta de Goberno Local, por unanimidade dos seus membros presentes e por delegación da alcaldía (Decretos de 15/06/2015 e de 01/03/2016 (núms. 463/15 e 175/16)), acorda:

Primeiro.-Aprobar as Bases da Convocatoria de Subvencions a entidades para clubs e deportistas federados para o exercicio 2018 , que se reflicten de seguido:

BASES REGULADORAS PARA A CONVOCATORIA DE SUBVENCIONS A CLUBS DEPORTIVOS SEN ANIMO DE LUCRO E DEPORTISTAS FEDERADOS/AS POLAS ACTIVIDADES REALIZADAS E PARA A PREPARACIÓN DAS DIFERENTES COMPETICIONS DURANTE ANO 2018

1ª.— OBXECTO DA CONVOCATORIA

As presentes bases teñen por finalidade regular a concesión de subvencions destinadas á organización, promoción, preparación e/ou participación deportiva de clubs e deportistas



federados no ano 2018, con cargo á partida 340/480.00 do orzamento 2017 prorrogado por un importe total de 28.000 euros, dos que 6.500 euros se destinarán ás solicitudes formuladas por deportistas federados/as.

Son obxectivos perseguidos polas axudas reguladas nestas bases a potenciación do deporte, a promoción da práctica deportiva, a creación de canteiras de deportistas no Concello de Teo, tanto a curto como a longo prazo, impulsando ademais deste xeito formas de ocio alternativo.

2ª.—BENEFICIARIOS/AS

a) Os clubs deportivos sen ánimo de lucro que participen en competicións oficiais e/ou que organicen e/ou promovan actividades deportivas, con domicilio social no Concello de Teo e inscritos no Rexistro de Asociacións Deportivas do Concello de Teo.

b) Os e as deportistas federados/as empadroados/as no Concello de Teo con anterioridade á aprobación destas bases, con licenza federativa en vigor e que participen en competicións de ámbito autonómico ou superior, incluídas nos calendarios das respectivas federacións. Non poderán solicitala todos aqueles deportistas que participen en competición federada por equipos con formato de liga regular.

c) Non poderán ter a condición de beneficiarias aquelas persoas ou entidades nas que concorran as circunstancias numeradas no artigo 13.2 da Lei 38/2003.

3ª.—ACTIVIDADES E GASTOS SUBVENCIONABLES

As subvencións que se outorguen ao abeiro das presentes bases, terán como finalidade:

a) Colaboración en gastos correntes derivados da realización de actividades de participación e/ou promoción deportiva por parte dos suxeitos mencionados no artigo 2º das presentes Bases e, dos gastos de conservación, mantemento ou reparación menores, que non teñan o carácter de investimento, necesarios para o desenvolvemento destas no ano 2018.

b) Gastos ocasionados pola organización de eventos deportivos durante o ano 2018 dentro do territorio municipal.

c) Aqueles clubs que reciban unha subvención nominativa non poderán concorrer a esta convocatoria co mesmo obxecto de solicitude.

d) Non serán gastos subvencionables:

— Os xuros debedores de contas bancarias.

— Os xuros, recargos e sancións administrativas.

— Os gastos de procedementos xudiciais.

4ª.—SOLICITUDES

4.1.- Instancia de solicitude.

As solicitudes presentaranse na instancia formalizada recollida no Anexo I e dirixiranse ao concelleiro de Deportes.

Soamente pode presentarse unha única solicitude por club para unha ou varias modalidades.



No caso dos deportistas soamente pode presentarse unha única solicitude para unha única modalidade ou especialidade.

4.2.- Documentación.

Xunto coa instancia de solicitude do Anexo I presentarase a seguinte documentación:

1) CLUBS DEPORTIVOS:

- a) Certificado da Federación correspondente onde figuren as categorías, o número de equipos e/ou de licenzas do clube solicitante. (Tempada 2017-2018)
- b) Declaración responsable asinada polo/a representante do club facendo constar (tempada 2017-2018):
 - os equipos federados (se é o caso) e a súas categorías.
 - os nomes e apelidos dos xogadores/deportistas masculinos de cada equipo/especialidade especificando cales están empadroados do concello de Teo (o que se comprobará de oficio polo Departamento de Deportes) (se é o caso).
 - os nomes e apelidos das xogadoras/deportistas femininas de cada equipo/especialidade especificando cales están empadroadas do concello de Teo (o que se comprobará de oficio polo Departamento de Deportes) (se é o caso).
- c) Declaración responsable asinada/a polo/a representante do club na que se fará constar o persoal técnico (con nomes e apelidos) dedicado ás categorías de base e as súas titulacións (con fotocopia do título de maior nivel de cada técnico e fotocopia compulsada da súa ficha federativa. (Tempada 2017-2018)
- d) Copia cotexada do CIF (no caso de non tela entregada xa noutras convocatorias anteriores).
- e) Memoria descritiva da actividade que se realizou durante o ano 2017, especificando as actividades/eventos deportivos que organizou o club/entidade (se é o caso).
- f) Declaración responsable asinada polo/a representante do club onde figuren os deportistas (nome e apelidos) e as competicións onde participaron para poder xustificar o epígrafe f) Presenza social. Participación en competicións deportivas oficiais (no ano 2017), do punto 1). da base 5ª da presente convocatoria. (O concello poderá solicitar aos clubs/entidades a correspondente certificación federativa para comprobar estes datos).

2) DEPORTISTAS FEDERADOS:

- a) Copia cotexada da licenza federativa en vigor.
- b) Copia cotexada do DNI (no caso de non tela entregada xa noutras convocatorias anteriores).
- c) Currículo deportivo.
- d) Certificación federativa onde figure a máxima competición oficial na que participou e o resultado obtido no ano 2017.
- e) Certificación federativa onde figure a máxima competición oficial na que participou no ano 2016.



3) DOCUMENTOS COMÚNS A TODOS OS E AS SOLICITANTES (Clubs e deportistas):

- a) Memoria descriptiva da actividade que se vai a desenvolver no ano 2018 para a cal se pide a subvención.
- b) Orzamento detallado de gastos e ingresos previsto para o ano 2018.
- c) Certificación bancaria da conta onde se efectuarán os pagamentos.
- d) Certificación ou declaración responsable de estar ao día no pagamento das obrigas tributarias e coa seguridade social impostas pola lexislación vixente.
- e) Declaración responsable conforme o solicitante non está incurso en ningunha das causas de prohibición de percepción de subvencións ou axudas públicas mencionadas no artigo 13 da Lei 38/2003.

Nos puntos c), d) e e) no caso dos menores de idade serán os datos dos titores legais.

4.3.- Presentación de solicitudes.

As solicitudes e a documentación correspondente presentarase dentro do prazo de 15 días hábiles contados dende o día seguinte da publicación destas bases no Boletín Oficial da Provincia.

As solicitudes poderán presentarse no Rexistro Xeral do Concello, en horario de oficina, ou en calquera dos lugares aos que fai referencia o artigo 16.4 da Lei 39/2015, de 1 de outubro de procedemento administrativo común das administracións públicas.

No caso de que as solicitudes se envíen por correo, deberá xustificarse co resguardo correspondente, a data de imposición do envío na oficina de Correos, e anunciar ao Concello a remisión da solicitude mediante fax (981 809 401), telegrama ou correo electrónico (deportes@teo.gal) no mesmo día. Sen a concorrencia de ambos dous requisitos non será admitida a solicitude de presentación.

4.4.- Corrección de solicitude.

Unha vez revisadas todas as solicitudes, a aquelas que conteñan erros ou deficiencias comunicaráselles e concederáselles un prazo de 10 días hábiles a partir da súa comunicación para a súa corrección. De non emendar os defectos no dito prazo arquivarase sen máis trámites.

5ª.—CRITERIOS PARA A CONCESIÓN DE SUBVENCIONES

As subvencións reguladas nas presentes Bases concederanse en réxime de concorrencia competitiva, polo que as solicitudes que cumpran os requisitos serán avaliadas consonte os criterios que de seguido se sinalan:

1). CRITERIOS PARA CLUBS:

- a) Número de fichas ou licenzas. (Tempada 2017-2018). Ata 10 puntos máximo.

Máis de 201	10 puntos.
Ata 200	9 puntos.

- | | |
|----------------|------------------|
| Ata 175 | 8 puntos. |
| Ata 150 | 7 puntos. |
| Ata 125 | 6 puntos. |
| Ata 100 | 5 puntos. |
| Ata 75 | 4 puntos. |
| Ata 50 | 3 puntos. |
| Ata 25 | 2 puntos. |
| Ata 15 | 1 punto. |
- b) Número de equipos federados. (Tempada 2017-2018). Ata 10 puntos máximo.**
- | | |
|-----------------------------|-------------------|
| Nove ou máis equipos | 10 puntos. |
| Oito equipos | 8 puntos. |
| Sete equipos | 7 puntos. |
| Seis equipos | 6 puntos. |
| Cinco equipos | 5 puntos. |
| Catro equipos | 4 puntos. |
| Tres equipos | 3 puntos. |
| Dous equipos | 2 puntos. |
| Un equipo | 1 punto. |
- c) Porcentaxe de fichas ou licenzas correspondentes a participantes locais. (Tempada 2017-2018). Ata 10 puntos máximo.**
- | | |
|--------------------|-------------------|
| 100% | 10 puntos. |
| Máis do 85% | 8 puntos. |
| Máis do 75% | 6 puntos. |
| Máis do 50% | 4 puntos. |
| Máis do 25% | 2 puntos. |
- d) Porcentaxe de fichas ou licenzas femininas (Tempada 2017-2018). Ata 5 puntos máximo.**
- | | |
|-------------------|-----------------|
| Ata o 100% | 5 puntos |
| Ata o 75% | 4 puntos |
| Ata o 50% | 3 puntos |
| Ata o 25% | 1 punto |
- e) Categorías de base: biberóns-prebenxamín-benxamín-alevín-infantil-cadete-xuvenil (ou equivalentes). (Tempada 2017-2018). Ata 7 puntos máximo.**
- | | |
|-------------------------|------------------|
| Sete categorías | 7 puntos |
| Seis categorías | 6 puntos |
| Cinco categorías | 5 puntos. |
| Catro categorías | 4 puntos. |
| Tres categorías | 3 puntos. |
| Dúas categorías | 2 puntos. |
| Unha categoría | 1 punto. |

- f) Nivel de formación dos técnicos das categorías de base. (Tempada 2017-2018). Ata 12 puntos máximo.**
- | | |
|---------------------------------------------------------------------------------------------|------------------|
| 3 ou máis técnicos con titulación de adestrador profesional/nivel 3 na especialidade | 8 puntos. |
| 3 ou máis técnicos con titulación de adestrador avanzado/nivel 2 na especialidade | 7 puntos. |
| 3 ou máis técnicos con titulación de licenciado en Ciencias do Deporte e E.F. | 7 puntos. |
| 3 ou máis técnicos con titulación de adestrador básico/nivel 1 na especialidade | 6 puntos. |
| 3 ou máis técnicos con outras titulacións/cursos formativos na especialidade | 5 puntos. |
| 1 ou 2 técnicos con titulación de adestrador profesional/nivel 3 na especialidade | 4 puntos. |
| 1 ou 2 técnicos con titulación de adestrador avanzado/nivel 2 na especialidade | 3 puntos. |
| 1 ou 2 técnicos con titulación de licenciado en Ciencias do Deporte e E.F. | 3 puntos. |
| 1 ou 2 técnicos con titulación de adestrador básico/nivel 1 na especialidade | 2 puntos. |
| 1 ou 2 técnicos con outras titulacións/cursos formativos na especialidade | 1 punto. |
- g) Presenza social. Participación en competicións deportivas oficiais (no ano 2017). Ata 7 puntos máximo.**
- Competición de ámbito internacional:**
- 1,25 puntos por cada deportista empadroado no concello de Teo. Ata un máximo de 5 puntos**
 - 0.25 puntos por cada deportista non empadroado no concello de Teo. Ata un máximo de 2 puntos**
- Competición de ámbito estatal:**
- 1 punto por cada deportista empadroado no concello de Teo. Ata un máximo de 4 puntos**
 - 0.25 puntos por cada deportista non empadroado no concello de Teo. Ata un máximo de 1.5 puntos**
- Competición de ámbito autonómico:**
- 1 punto por cada deportista empadroado no concello de Teo. Ata un máximo de 3 puntos**
 - 0.25 puntos por cada deportista non empadroado no concello de Teo. Ata un máximo de 1 punto**
- Competición de ámbito provincial:**
- 0.5 puntos por cada deportista empadroado no concello de Teo. Ata un máximo de 2 puntos**
 - 0.25 puntos por cada deportista non empadroado no concello de Teo. Ata un máximo de 0.5 puntos**

Considérase Competición Internacional: Campionato do Mundo, Campionato de Europa, probas do *ranking* mundial, probas do *ranking* europeo.

Considérase Competición Estatal: Campionato de España, probas do *ranking* nacional.

Considérase Competición Autonómica: Campionato Galego, probas do *ranking* galego.

Non puntuarán Torneos, Adestramentos cos combinados estatais e autonómicos, Opens, Torneos privados e similares.

h) Presenza social. Organización de actividades/eventos deportivos (dentro do territorio municipal no ano 2017). Ata 5 puntos máximo.

Actividade de ámbito internacional (mínimo tres países participantes)	5 puntos.
Actividade de ámbito estatal	4 puntos.
Actividade de ámbito autonómico	3 puntos.
Actividade de ámbito provincial	2 puntos.
Actividade de ámbito local	1 punto.

i) Utilización de instalacións para o deporte de base (no ano 2017). Ata 5 puntos máximo.

Utilización exclusiva de instalacións non municipais	5 puntos.
Utilización habitual de instalacións non municipais e puntual de instalacións municipais	4 puntos
Utilización de instalacións municipais e non municipais	2 puntos.
Utilización habitual de instalacións municipais e puntual de instalacións non municipais	1 punto.
Utilización exclusiva de instalacións municipais	0 puntos

7. Gastos derivados do coidado e mantemento de instalacións propias (no ano 2017). Ata 5 puntos máximo.

Auga, luz e conservación da instalación	5 puntos.
Luz ou auga e conservación da instalación	4 puntos.
Conservación da instalación (marcaxe, coidado da herba...)	3 puntos.
Luz ou auga	2 puntos.

8. Escolas deportivas municipais (no ano 2017). 2 puntos por escola.

Nos puntos g) e h) valorarase só a competición/actividade/evento de maior rango.

No punto i) enténdese por instalacións municipais aquelas de xestión directa polo Concello.

No punto l) enténdese por escola deportiva municipal aquela escola que entra dentro da programación deportiva anual do Concello.

2). CRITERIOS PARA DEPORTISTAS FEDERADOS:

a) Máxima competición oficial na que participou no ano 2017. Ata 5 puntos máximo.

Competicións internacionais	5 puntos.
Competicións estatais	4 puntos.
Competicións autonómicas	3 puntos.

Outras competicións 0 puntos.

b) Máximos resultados obtidos no ano 2017. Ata 10 puntos máximo.

- **Competición internacional:**
 - 1º ou 2º posto 10 puntos
 - 3º ou 4º posto 8 puntos
 - De 5º ao 8º posto 6 puntos
 - Outros postos 4 puntos
- **Competición co combinado estatal 8 puntos**
- **Competición estatal:**
 - 1º ou 2º posto 8 puntos
 - 3º ou 4º posto 6 puntos
 - De 5º ao 8º posto 4 puntos
 - Outros postos 2 puntos
- **Competición co combinado autonómico 6 puntos**
- **Competición Autonómica:**
 - 1º ou 2º posto 6 puntos
 - 3º ou 4º posto 4 puntos
 - De 5º ao 8º posto 2 puntos
 - Outros postos 1 punto

c) Máxima competición oficial na que participou no ano 2017. Ata 5 puntos máximo.

Competicións internacionais	5 puntos
Competicións co combinado estatal	5 puntos
Competicións estatais	4 puntos
Competicións co combinado autonómico	4 puntos.
Competicións autonómicas	3 puntos.
Outras competicións	0 puntos.

Considérase Competición Internacional: Campionato do Mundo, Campionato de Europa, probas do *ranking* mundial, probas do *ranking* europeo.

Considérase Competición Estatal: Campionato de España, probas do *ranking* nacional.

Considérase Competición Autonómica: Campionato Galego, probas do *ranking* galego.

Non puntuarán Competicións de clubs, Torneos, Adestramentos cos combinados estatais e autonómicos, Opens, Torneos privados e similares.

Os puntos nos apartados a), b) e c) no son acumulables polo que só se terá en conta a categoría e resultado superior.

6ª.—IMPORTES MÁXIMOS DAS SUBVENCIONES

En ningún caso o importe máximo da subvención de cada solicitante superará o 70% do orzamento da entidade/deportista para a tempada obxecto da solicitude.

O importe máximo da subvención a cada deportista individual non poderá superar os 1.000 euros.

7ª.—ÓRGANO COMPETENTE E PROCEDEMENTO DE CONCESIÓN

O órgano competente para a instrución do procedemento, así como para a realización de cantas actuacións estime necesarias para a determinación, coñecemento e comprobación dos datos en virtude dos que debe pronunciarse a resolución, será o Departamento de Deportes.

O órgano instrutor do procedemento será o encargado de requirir dos solicitantes a emenda de deficiencias nas solicitudes presentadas. Ademais elaborará un informe de cada unha das solicitudes presentadas no que se fará constar:

- **Nome da entidade/deportista, disciplina deportiva e contía máxima á que opta.**
- **Se está ou non completa a documentación do expediente, con expresión da data da finalización do prazo de presentación, no seu caso.**
- **Se cumpre os requisitos da convocatoria, con indicación expresa dos que non cumpra, de ser o caso.**

A valoración das propostas presentadas, con base nos criterios relacionados no punto anterior, efectuaráa unha Comisión de Valoración constituída polo concelleiro delegado de Deportes, que a presidirá, a concelleira delegada de Educación e o coordinador deportivo municipal que actuará tamén como secretario/a da comisión.

Suplencias. En casos de ausencia ou de enfermidade e, en xeral, cando concorran algunha causa xustificada, os membros da Comisión de valoración poderán ser substituídos polos seus suplentes. A estes efectos cando non poidan concorrer o concelleiro de deportes ou a concelleira de educación poderán ser substituídos, respectivamente, polo concelleiro de servizos básicos e polo concelleiro de servizos sociais. O coordinador deportivo poderá ser substituído polo dinamizador deportivo.

Esta Comisión elevará unha proposta de concesión á Xunta de Goberno Local, previo informe da Intervención municipal. A Xunta de Goberno Local será o órgano competente para a adopción do acordo de concesión de subvencións. Este acordo esgotará a vía administrativa.

8ª.—PUBLICIDADE DAS SUBVENCIONS

A resolución das subvencións notificaranse individualmente e publicaranse no Taboleiro de Anuncios do Concello, indicando a puntuación obtida por cada solicitude, o importe subvencionado e/ou os motivos da denegación.



9ª.—COMPROMISOS

Os clubs e deportistas subvencionados ao abeiro destas bases quedarán obrigados a colaborar co Concello naquelas actividades deportivas que organice cando lle sexa requirido e farán constar na súa publicidade o patrocinio do Concello de Teo.

10ª.—XUSTIFICACIÓN DAS ACTIVIDADES E PAGAMENTO DAS SUBVENCÍONS

Para o abono do importe das subvencións económicas concedidas, será imprescindible acreditar polos perceptores/as a aplicación efectiva dos fondos percibidos con destino á finalidade que motivou a concesión mediante a presentación da seguinte documentación:

- a) Facturas de gasto de 2018 relacionadas coa actividade subvencionada e por un importe superior á cantidade concedida. Só se admitirán facturas orixinais ou fotocopias cotexadas emitidas con posterioridade a realización dos gastos (adquisición de subministrados, prestación de servizos, ...) e nas que ademais de reunir todos os requisitos legais, deberán figurar en detalle todos os conceptos incluídos na mesma, e a constancia expresa de “Cobrada, asinada e indicando o nome e o DNI”, pola persoa representante da empresa, que recibe o pagamento ou mediante xustificante da transferencia bancaria.
- b) Declaración responsable de que se realizou o fin para o que a subvención foi concedida.
- c) Declaración responsable doutras axudas e/ou subvencións concedidas ou pendentes de conceder durante o ano 2018 con expresión, no seu caso de que o conxunto das axudas percibidas non superaron o gasto realizado.
- d) Memoria das actividades realizadas durante o ano 2018.
- e) Declaración responsable de gastos e ingresos detallados realizados no ano 2018.
- f) Cartelería, notas de prensa.... onde figure o patrocinio do Concello de Teo (se é o caso).

As subvencións xustificaranse antes do 30 de novembro de 2018. No caso de non xustificarse no prazo anteriormente mencionado, procederase á revogación da mesma.

O pagamento realizarase unha vez que os e as beneficiarias xustifiquen os gastos ocasionados na execución das actividades subvencionadas, sempre dentro do prazo sinalado, e despois da fiscalización da conta xustificativa pola Intervención Municipal e posterior aprobación da mesma pola Alcaldía, quen ordenará o pago.

O coeficiente de financiamento será 1, de xeito que, cando se presenten xustificantes por importe inferior ao concedido na achega, esta verase reducida proporcionalmente.

Se na documentación presentada para a xustificación houbera redución de gastos, en referencia aos presentados na instancia da solicitude, a axuda que finalmente o Concello de Teo aboará a o beneficiario/a deberá respetar a porcentaxe máxima do 70% sobre o gasto final xustificado.

11ª.—CONTROL DA APLICACIÓN DO GASTO

O Departamento de Deportes do Concello poderá solicitar en calquera momento as explicacións e documentos que considere necesarios para o oportuno seguimento das actividades subvencionadas.

12ª.—RÉXIME SANCIONADOR

Sen prexuízo do disposto na normativa xeral e nas Bases de Execución do Orzamento Municipal en materia de subvencións, os perceptores destas subvencións veranse na obriga de devolver as cantidades percibidas para o suposto de que incumpran algunha das condicións das bases recollidas na presente normativa.

13ª.—RÉXIME XURÍDICO

Nos aspectos non especificados nestas bases, as presentes axudas regularanse polo disposto na normativa xeral reguladora de subvencións, en especial, a Lei 38/2003, de 17 de novembro, xeral de subvencións e a Lei 9/2007 de 13 de xuño de subvencións de Galicia.

O que se fai público para os efectos da apertura do prazo de presentación de solicitudes de subvencións polas persoas ou entidades que correspondan, tal e como se recolle nas indicadas bases.

ANEXO 1 - MODELO DE SOLICITUDE - CLUBS DEPORTIVOS

<u>DATOS DE IDENTIFICACIÓN</u>	
ENTIDADE SOLICITANTE:	CIF:
ENDEREZO:	LOCALIDADE:
MAIL:	
REPRESENTANTE DA ENTIDADE:	
DNI:	TELÉFONO DE CONTACTO:
CARGO QUE OCUPA:	ENDEREZO PARA NOTIFICACIÓNS:

<u>DATOS DEPORTIVOS</u>	
MODALIDADE/ESPECIALIDADE DEPORTIVA:	
Nº DE LICENZAS FEDERATIVAS:	Nº DE EQUIPOS FEDERADOS:
Nº DE PARTICIPANTES LOCAIS (Empadroados/as no concello de Teo):	
CATEGORÍAS DE BASE (Rodear a que corresponda):	7 6 5 4 3 2 1
NIVEL DOS FORMADORES TÉCNICOS DA BASE (Indicar o número):	
<input type="radio"/> Técnico/s con titulación de adestrador profesional/nivel 3:	



<ul style="list-style-type: none">○ Técnico/s con titulación de adestrador avanzado/nivel 2:○ Técnico/s con Titulación de adestrador básico/nivel 1:○ Técnicos con titulación de licenciado en Ciencias do Deporte e E.F.:○ Técnico/s con outras titulacións/cursos formativos:
PARTICIPACIÓN EN COMPETICIÓNS DEPORTIVAS OFICIAS NO ANO 2017 (Marcar a de maior rango): Internacional - Estatal - Autonómico - Provincial - Comarcal ou local
ORGANIZACIÓN DE ACTIVIDADES/EVENTOS DEPORTIVOS DENTRO DO CONCELLO DE TEO NO ANO 2017 (Marcar a de maior rango): Internacional - Estatal - Autonómico - Provincial - Comarcal ou local
USO DE INSTALACIÓNS PARA O DEPORTE DE BASE NO ANO 2017 (Marcar as que correspondan): Instalacións non municipais Instalacións non municipais (puntualmente) Instalacións municipais Instalacións municipais (puntualmente)
GASTOS DE MANTEMENTO DAS INSTALACIÓNS NO ANO 2017 (Marcar as que corresponda): Auga Luz Conservación da instalación
NÚMERO DE ESCOLAS DEPORTIVAS MUNICIPAIS NO ANO 2017:
PREVISIÓN DE GASTOS DE 2018:

COMPROMISOS E SINATURA

Declaro que:

- Acepto expresamente as bases da convocatoria de subvención.
- O solicitante reúne todos e cada un dos requisitos da convocatoria.
- Os datos que constan nesta solicitude e nos documentos que se achegan son certos.

Teo , de de 2018

Sinatura do representante da entidade

ANEXO 1 - MODELO DE SOLICITUDE - DEPORTISTAS FEDERADOS/AS

<u>DATOS DE IDENTIFICACIÓN</u>	
NOME E APELIDOS DO DEPORTISTA:	NIF:
ENDEREZO:	LOCALIDADE:
TELÉFONO:	MAIL:
NOME E APELIDOS DO REPRESENTANTE LEGAL (Menores de idade):	

NIF:	TELÉFONO DE CONTACTO:
RELACIÓN: Pai/nai Titor/a Gardador/a de feito	ENDEREZO PARA NOTIFICACIÓNS:

<u>DATOS DEPORTIVOS</u>									
MODALIDADE/ESPECIALIDADE DEPORTIVA:									
Nº DE LICENZA FEDERATIVA:									
COMPETICIÓN OFICIAL MÁXIMA NA QUE PARTICIPOU NO ANO 2017 (Marcar a que corresponda):									
	Internacional			Estatal			Autonómica		
MÁXIMO RESULTADO OBTIDO EN COMPETICIÓN OFICIAL NO ANO 2017 (Marcar posto e competición):									
POSTO:	1º	2º	3º	4º	5º	6º	7º	8º	outros
COMPETICIÓN:	Internacional	Estatal	Autonómica	Combinado Estatal Combinado Autonómico					
COMPETICIÓN OFICIAL MÁXIMA NA QUE PARTICIPOU NO ANO 2017 (Marcar a que corresponda):									
	Internacional		Estatal		Autonómica	Combinado Estatal Combinado Autonómico			
PREVISIÓN DE GASTOS DE 2018:									

COMPROMISOS E SINATURA

Declaro que:

- Acepto expresamente as bases da convocatoria de subvención.
- O solicitante reúne todos e cada un dos requisitos da convocatoria.
- Os datos que constan nesta solicitude e nos documentos que se achegan son certos.

Teo, de de 2018

Sinatura do solicitante ou do representante

Segundo- Proceder á súa exposición pública mediante edicto no Boletín Oficial da Provincia e no Taboleiro de Edictos do Concello.

5.- PROPOSTAS DA ALCALDÍA.

Entrados neste punto non se presenta ningunha.



6.- ROGOS E PREGUNTAS.

Entrados neste punto non se presenta ningún/ha.

E non habendo máis asuntos que tratar, sendo as trece horas e vinte e dous minutos, de orde da Presidencia, levántase a sesión, da que se estende a presente acta, do que eu, secretaria dou fe.

O alcalde

A secretaria xeral

Rafael C. Sisto Edreira

Virginia Fraga Díaz